

Noticia
Transparente
di Gobierno

ISLA ONLINE

Diabierna 6 September 2024

Email: IslaOnline@gobierno.aw Tel: 528-4952



ARTE DI MURAYA
SAN NICOLAS



STABILIDAD
Y
PROSPERIDAD

2 0 2 4



Gabinete Wever-Croes



ALUMNONAN DI COLEGIO FELIPE B TROMP ENTHUSIASMA CU NAN "STEAM ROOM"

"Pabien cu e logro aki y danki pa tur loke boso ta haci pa nos muchanan"



Den conexion cu e proyecto di Edutech, diaranson 4 di September mainta, Prome Minister Evelyn Wever-Croes a bishita Colegio Felipe B Tromp pa asina por admira e "STEAM room" cu ya caba ta den uzo cu tur e ekiponan.

Prome Minister a indica cu parti di e ekiponan tabata den e proyecto di Edutech di Futura, y e otro parti ta e trabou hopi duro di e cabesante y maestronan, cu a traha esakinan nan mes. Sigur ta hopi impresionante pa mira con e muchanan ta hayando les eyden, cu e diferente aspectonan di ciencia, tecnologia, y arte. Por a nota e entusiasmo di e muchanan na momento cu nan ta siña con pa traha cu e ekiponan aki.

"Mi kier a gradici e ekipo completo di Colegio Felipe B Tromp pa kere den innovacion den enseñansa. Pabien na cada un di boso cu a prepara boso mes por medio di e proyectonan di Erasmus, pa asina ora e "STEAM room" keda cla, e por ta funcional mesora pa e alumnonan. E entusiasmo di e muchanan ta yena mi cu hopi emocion. Pabien cu e logro aki y danki pa tur loke boso ta haci pa nos muchanan", Prome Minister a expresa. ■■■





MINISTER MADURO A REUNI CU SCOL DI MUSICA RIBA NAN PLAN PA DESAROYA MAS TALENTO MUSICAL DEN COMUNIDAD



E siman aki Minister Maduro di Cultura a reuni cu e directiva di Scol di Musica Rufo Wever pa asina haya sa mas di nan plan pa desaroya mas talento musical den Aruba su comunidad.

Pa hopi aña caba Scol di Musica ta brinda les di musica na hoben y adulto na tres sucursal, Cas di Cultura na Playa, edificio di scouting na Santa Cruz y Santa Theresita Center na San Nicolas. Como cu pronto trabounan di remodelacion di Cas di Cultura lo cuminsa, Scol di Musica lo mester muda pa un otra luga pa asina por keda brinda nan servicio musical den Playa.

E directiva a splica Minister Maduro di nan deseo pa Scol

di Musica por wordo ubica na un luga mas grandi pa asina por amplia nan servicio y pa por acomoda por ehempel un ensemble y por tin espacio pa musiconan por haci ensayo. Di e manera aki Scol di Musica lo por forma mas hoben y adulto musicalmente. Ta bon pa informa cu tin varios hoben cu despues di a wordo forma musicalmente na Scol di Musica, a scoge pa profesionalisa nan mes den musica na conservatorio na Hulanda of Merca.

Minister Maduro ta apoya e plan di Scol di Musica pa desaroya mas talento musical den comunidad y lo traha hunto cu Scol di Musica pa yega na e fondonan necesario pa haci e deseo aki un realidad na bienestar di Aruba.



A CELEBRA HUNTO CU BIBLIOTECA NACIONAL ARUBA, NAN 75 AÑA DI EXISTENCIA



Recientemente, Minister di Enseñansa y Deporte acompaña pa su esposa Dilailah Croes a celebra hunto cu Biblioteca Nacional Aruba (BNA) 75 aña di trabou di bibliotica cu a tuma luga na Aruba Surfside Marina. Un fiesta bon anima cu banda Duro na unda tur presente por a gosa di e bon ambiente. Dia 20 di augustus 2024, BNA a cumpli 75 aña di existencia. 75 aña di historia di biblioteca na Aruba ta un faro di conocimiento, un santuario pa studiamiento y un brug cu ta habri un mundo pa nos tur.

No ta solamente buki, pero un biblioteca ta fomenta curiosidad, alimenta soñonan y construi un comunidad buscando sabiduria. Biblioteca Nacional Aruba ta hunga un rol crucial den nos comunidad entre otro, ta provee acceso liber na informacion pa medio di buki, revista, corant y tambe den forma digital; ta pone enfasis riba importancia di educacion y studia pa bida largo pa por empodera nos comunidad; ta ofrece espacio, como un centro comunitario, unda cu por haci presentacion di buki, organisa exposicion, studia, relaha, sigui curso y mucho mas; inclusion digital; preserva y promociona nos herencia cultural.

Biblioteca Nacional Aruba a haci avancen grandi riba e tereno aki den cooperacion cu Archivo Nacional Aruba y UNOCA. Lansamento oficial di www.coleccion.aw riba dia 28 di september 2023, uzando e plataforma di Internet Archive, ta un paso importante. Finalmente, Minister Endy Croes ta felicita staf y personal di Biblioteca Nacional Aruba cu ta celebrando tres cuarto di siglo di servicio den nos comunidad. ■■■



MINISTER ENDY CROES TA FELICITA STICHTING HUNTO CU RENOBACION DI CENTRO COLORADO NA SAN NICOLAS

Recientemente, Minister di Enseñansa y Deporte Endy Croes a acudi na apertura di Centro Colorado na San Nicolas, coordina pa Stichting HUNTO. Durante e apertura, Minister Endy Croes a haya un recorrido y por a mira e prome fase di renobacion di Centro Colorado den su totalidad.

A amplia e cambernan, unda por ubica 40 cliente cu tin un adiccion. Fuera di esaki, tin un seccion dedica solamente pa hende muhe. Tin diferente profesional pa guia y duna curso. Fuera di esaki, tin diferente actividad cu ta enfoca riba desaroyo di e clientenan. Minister Endy Croes ta felicita colega Minister Rocco Tjon cu a aloca fondo pa e bunita proyecto aki. Alabes, ta gradici Prome Minister Evelyn Wever-Croes y Gabinete Wever-Croes II cu a sostene e proyecto y tur otro stakeholder cu a contribui.

Pa finalisa, e mandatario di Enseñansa y Deporte ta felicita Stichting HUNTO cu traha hopi duro pa yuda e clientenan sali di adiccion. ■■■■





Gabinete Wever-Croes

Pa cada ciudadano di nos pais, Arte di Muraya na San Nicolas ta un recordatorio, cu hunto nos por cambia e ordinario den algo extraordinario. Laga nos admira e artenan aki cu curasonnan habri, permitiendo e beyesa di e murayanan activa nos imaginacion y inspira nos pa crea un pais mas colorido, bunita y conecta.

2024

AÑA DI STABILIDAD Y PROSPERIDAD